

« Ba Militantes ba Militants,

Niba iyi myaka 25 y'Ubwigenge ishize yarabaye iyo gukomeza Igihugu no gushimangira ibikorwa byose bya Leta ntimiribuze za gutangazwa n'uko imyaka 25 itaha izaba imyaka yo gushimangira, imyaka yo gukomeza Komini.

Imyaka 25 ya mbere y'Ubwigenge yabaye iya Leta y'u Rwanda. Imyaka 25 itaha izaba iy'Amakomini y'u Rwanda.

Leta yerekanye ibyo ishoboye, yerekanye ko ikomeye, yerekanye ko iri hose. Yerekanye ukudahungabana kwayo, igaragaza ko igizwe n'amahoro n'ubumwe bifashe koko. Ayo mahoro, ubwo bumwe, tuzabiharanira igihe cyose.

Urwego rw'ubutegetsi tugomba kuzitaho, tugomba guhuriza ho imbaraga zazu zose kuva ubu ni Komini. Twese tumaze kumva ko Komini ari yo shingiro ry'amajyambere. Ni yo mpamvu imyaka ituri imbere izaba iya Komini.»

(Kuwa 1 Nyakanga 1987)

DISIKURU, UBUTUMWA N'IBIGANIRO 1987

2845

DISIKURU, UBUTUMWA N'IBIGANIRO 1987



Photo M.R.N.D.

bya Nyakubawa
Général-Major HABYARIMANA Yuvenali
Perezida wa Repubulika y'u Rwanda
na Perezida-Fondateri wa Mouvement
Révolutionnaire Iharanira Amajyambere
y'u Rwanda.

IJAMBO PEREZIDA WA REPUBLIKA YABWIYE ABANYARWANDA BABA MURI CANADA RYEREKEYE IKIBAZO CY'IMPUNZI UBWO YARI MU NAMA Y'IBIHUGU BIVUGA IGIFARANSA KUVA KUWA 3 KUGERA KUWA 5 NZELI 1987

Abanyarwanda rero bari mu mahanga abenshi ni abiga. Ariko hari n'abandi Banyarwanda, abo twita, abo bise ngo ni impunzi. Icyifuzo cyanje ni uko iryo zina twareba uko twazarihanagura, kuko impunzi ntizaba impunzi igithe cyose n'umwana we ngo abe impunzi, n'umwuzukuru we ngo abe impunzi! Icyifuzo cyanje ni uko twareba uko iryo zina turihanagura.

Ariko rero amateka y'u Rwanda yatumye mu mahanga haba Abanyarwanda bahungiyeyo bahunze revolisiyo Abanyarwanda bakoze, Abanyarwanda twakoze muri 59. Icyo kibazo rero nkivugije kuko bamwe bavuga ngo Leta y'u Rwanda irakirengagiza. Ntikirengagiza kuko kuva iyo revolisiyo yaba, kuva Abanyarwanda bajya mu mahanga hashyizweho amategeko yagiye avugururwa yerekana uko Abanyarwanda igithe babishatse, buri muntu ku giticye, bagaruka mu Rwanda. Ayo mategeko ariho. Nanjye nabigurutseho muri 82 ku itariki ya mbere igithe twizihizaga Isabukuru y'Imyaka 20 u Rwanda rwari rumaze rwigenga. Ndetsse na Komite-Nyobozi ya Muvoma yafashe icyemezo cya politiki y'Abanyarwanda bari mu mahanga, Abanyarwanda bita impunzi. Komite-Nyobozi iravuga iti : u Rwanda ubungubu ntirugikwiye n'Abanyarwanda bari mu gihugu imbere, ubwo rero ntitwahamagara Abanyarwanda bose bari mu mahanga ngo nibaze kandi bazire rimwe, ibyo ntibishoboka. Bamwe baravuze rero ngo ni uburyarya, ngo ni politiki yo guca Abanyarwanda ngo bazahere mu mahanga. Ntabwo ari politiki y'uburyarya, ntabwo ari politiki yo guca Abanyarwanda ngo bahere mu mahanga, ahubwo ni politiki ikurikiza ukuri uko kumeze, ni politiki yanga gukoresha ikinyoma.


Ubu ntibishoboka kubwira Abanyarwanda bose bari hanze ngo nibaze kandi bazire rimwe. Ahubwo nk'uko mubizi, Guverinoma yagerageje kureba ukuntu n'abandi Banyarwanda bari mu Rwanda nabo abashaka kwimuka na none bakwimuka bakajya mu mahanga. Twagize imibonano n'Ighugu cya Gabon ntibyatungana,

uba turacyakora imibonano n'Ighugu cya Tanzaniya kugira ngo Abanyarwanda babishatse, babishoboye bajye kuba aho muri Tanzania. Bigomba amafaranga menshi, bigomba guhuza politiki z'Ibihugu byombi, ariko nicyo Guverinoma yitayeho. Igihe rero dusaba ko n'Abanyarwanda bari mu Gihugu bareba uko bimuka bamwe, ntitwahamagara n'abari hanze ngo bagaruke bose bagarukire rimwe. Icyo cyaba ari ikinyoma.

Icyo nsabye rero Abanyarwanda bo mu mahanga ni uko bakumva rwose ko Leta itirengagiza icyo kibazo. Tuzi ko ari Abanyarwanda nkatwe, ariko Abanyarwanda bagiye hanze bikurikije amatwara y'Ighugu uko yagiye akurikirana, ntitwababwira rero ubungubu ngo nibagaruke. Ahubwo icyo twifuza ni uko aho bari, ufite isambu yayihinga kuko mu Rwanda nta masambu ahari, ufite akazi kamuhesha amafaranga akabona amafaranga, yashaka kuza gusura abasigaye akaza, akurikije na none amategeko. Yashaka gufasha abasigaye mu Rwanda akaza akabafasha.

Barambwiye batu iyo politiki ushaka gukurikiza, icyo gitekerezo cyawe cyo kuvuga ngo impunzi nizize gusura bene wabo mu Rwanda maze zisubireyo ngo ni igitekerezo kidakurikije amategeko mpuza—mahanga. Kuko impunzi ari impunzi nyine ngo ntiyagaruka mu Rwanda maze ngo yongere isubire aho icumbitse. Ndabbwira ko icyo mbere jye nifuza ko iryo zina impunzi rivaho. Icyo kabiri ni uko amategeko aberaho abantu. Amahanga nayo abona uko u Rwanda rumeze ubungubu, azadufasha gukemura icyo kibazo niba hari amategeko azitira ko umuntu yaza mu Gihugu agasubirayo, igithe tuzashobora guhanagura iryo zina nyine ngo riveho icyo kibazo kizaba kirangiye.

Bidakashobotse nabwo amahanga azaba abona ko tudashobora kubahamagarira rimwe, arabibona. Kandi nabongabo icyo nifuza ni uko ubishoboye, yaza akareba uko u Rwanda rumeze ubungubu, kuko hari bamwe bafite igitekerezo cy'uko u Rwanda rwari rumeze muri 60 uko u Rwanda rwari rumeze 65, ubu turi muri 87. U Rwanda rwo muri 87 si rwo Rwanda rwo muri 59. Icyo nifuza ni uko baza kureba, nabo bakirebera, kugira ngo batangire bagire igitekerezo gihuje ni uko u Rwanda rumeze ubungubu atari ibyo bicuriye ubwabo, nicyo nifuza.



«Naifuza rero ko za Ambasade zose aho ziri, ba Ambasaderi bose aho bari babonana kenshi igine babiloboye, n'Abanyarwanda bari mu Gihugu abo ba Ambasaderi barimo, bakoreramo».

photo ORINFOR

Ni nayo mpamvu nasabye igihe twizihizaga imyaka 25 y'ubwigenge, ku itariki ya mbere Nyakanga, ko waba umunsi mukuru w'Abanyarwanda koko twese, aho bari hose. Mu Rwanda byabaye umunsi mukuru w'Abanyarwanda bose; no mu mahanga nasabye za "ambassades" ko Abanyarwanda bosebabatumirabakaza bakishimira uwo munsi mukuru wabo, kuko ari uwabo. Abashoboye kuza baraje, abatarabishoboye ubwo bari bafite impamvu, si nk'uko iyo umugabo acyuje ubukwe avuga ati ndahamagara inshuti zose, ndahamagara abavandimwe bose, siko baza, ariko aba yahamagaye kandi umuvandimwe utaje ntiyakwitwaza ngo jye sinatumiwe.

Icyo nifuza rero ni uko Umunyarwanda, kandi nicyo nkorera, ni nacyo Imana izambaza, ni uko Umunyarwanda aho ari hose yamererwa neza, ni uko Umunyarwanda yarushaho gutera imbere mu majyambere aho ari hose. Ni nako Leta izagerageza kubafasha na none uko ibishoboye. Kandi rero na ya mategeko aracyariho yuko ushatse kugaruka ku giti cye, yerekana ikizamutunga mu ndacyafite umuvandimwe hariya dushobora kugabana isambu, tuyigabana, bagasanga koko iyo sambu ihari kandi bashobora kuyigabana ikabatunga bombi cyangwa se avuga ati nzatungwa n'ikinngiki, amategeko aracyariho.

Ariko rero icyo rwose Leta y'u Rwanda yifuza ni ugukoresha politiki y'ukuri, politiki yo kutabeshya abantu ngo tubizeze ngo bose bagiye guhurira mu Rwanda, ngo bose bazire umunsi umwe, ngo Leta izabone ikibatunga, ibyo ushaka kubona arabibona, ushaka kumva arumva, n'utabibona kandi mutumiye mu Rwanda rwo icyo gitekerezo dukomeze tukinononsore, icyo kibazo dukomeze tukinononsore, ariko buri muntu azi uko giteye.

Ibyo mbivugije kubera nyine ko nk'uko ambasaderi yabivuze, Abanyarwanda bo mu mahanga bensi ari abanyeshuri gusa. Ariko rero si abanyeshuri gusa, hari nicyo kibazo dufite twese Abanyarwanda kandi twizeye ko amahanga azakomeza kubidufashamo, nk'uko amasezerano tugirana n'ibindibihugu cyane cyane ibidukikije, amasezerano dufitanye mu muryango w'Ibihugu bitu-

riye Ibiyaga Bigari, mu muryango w'Ibihugu byo muri Afurika yo hagati; itekaderu Rwanda rwerekana ikibazo cy'ubwiyongere bw'Abanyarwanda, tugashyiramo ko muri uwo mubano, muri uko gufashanya bakwemera ko Abanyarwanda baba muri ibyo Bihugu bindi uko babishoboye n'igihe babishatse. Ayo masezerano ariho. Ubwo nayo ni inzira yadufasha gukemura ibibazo nk'ibyongibyo by'ubwiyongere bw'Abanyarwanda. Ariko nanone ubwiyongere bw'Abanyarwanda ni twebwe ubwacu tugomba kubutekereza kuko abantu baravuga batu : "ntimwakomeza kubyara, mubyara mwizeye ko muzabohereza ahandi". Ariko abavutse baravutse ntibatasubizayo, ahubwo ni ukureba uko twabatunga ubwacu mu Gihugu, ariko tukareba n'uko amahanga yadufasha, kuko ubungubu isi, Ibihugu byose byo kw'isi bisigaye ari magirirane.

Ijambo ryanje ariko ryari iryo kubashima, kubashima uko mwaje kuturamutsa, mwaje kugira ngo tubonane. Kubashima uko mufite za selire zikomeye, zishygikiye amatwara ya Muvoma ya-cu, kubashima ko izo za selire mukunda kuzigiramo imibonano.

Ambasaderi nk'uko yabivuze ngo harimo amashami atatu, ndifuza ko ayo mashami atatu yajya ahura kenshi. Ndifuza ko abakozi b'ambasade babasura kenshi. Ndifuza ko Ambasaderi ubwe yabasura kenshi aho muri kuko nicyo ambasade ibereyeho. Ambasaderi iyo ngiye kumwohereza mu mahanga ndamubwira nti : "akazi kawe ka mbere ni ukureba icyateza u Rwanda imbere, mu Gihugu ugiyemo ugahagararira u Rwanda kugira ngo u Rwanda rutere imbere. Icyu kabiri ni ukumenya ibibazo by'Abanyarwanda bose ntakurobanura".

Ndifusa rero ko za ambasade zose aho ziri, ba Ambasaderi bose aho bari babonana kenshi igithe babishoboye, n'Abanyarwanda bari mu Gihugu abo ba Ambasaderi barimo, bakoreramo. N'iyo Ambasade yo muri Canada rero ndifuza ko yabasura, nka rimwe mu mezi atatu akaba yageze hano muri Québec, akaba yageze aho ngaho Sherbrooke, ahandi hari Abanyarwanda, mbese ahari Abanyarwanda hose ndifuza ko iyo mibonano yaba kugira ngo ibibazo biriho kandi bidashobora kubura, igithe abantu bari hamwe bibonera we igisubizo bitaratinda.



Photo ORINFOR

Kuva kuwa 28 Nzeli kugera kuwa 3 Ukwakira, Perezida wa Republiku yagendereye Intara ya Rhénanie-Palatinat yo mu Budage bw'Iburengerazuba. Yaboneyeho kuganira na Minisitiri-Perezida VOGEL.